

**Ўзбекистон Республикаси Оила ва хотин-қизлар давлат қўмитаси, унинг
худудий бўлинмалари ҳамда маҳаллалардаги хотин-қизлар фаолларида
коррупциявий хавф-хатарларни баҳолаш**

УСЛУБИЁТИ

1-боб. Умумий қоидалар

1. Мазкур Услубиёт Ўзбекистон Республикаси Оила ва хотин-қизлар давлат қўмитаси (кейинги ўринларда – Қўмита), унинг худудий ва таркибий бўлинмалари ҳамда маҳаллалардаги хотин-қизлар фаоллари (кейинги ўринларда – Қўмита тизими)да юкланган вазифа ва мажбуриятларни бажаришда келиб чиқадиган коррупциявий хавф-хатарларни баҳолаш бўйича қоидаларни белгилаб беради ҳамда Қўмита тизимида коррупциявий хавф-хатарларни баҳолашга ягона ёндашувни шакллантиришга қаратилган.

2. Қуйидагилар Қўмита тизимидаги коррупциявий хавф-хатарларни баҳолашнинг мақсади ҳисобланади:

Қўмита тизими фаолиятини комплекс таҳлил қилиш орқали коррупция хавф-хатарига энг кўп мойил бўлган функция ва лавозимларини белгилаш;

коррупциявий хавф-хатарларни минималлаштириш бўйича самарали олдини олиш чораларини ишлаб чиқиш.

3. Қўмита тизимидаги коррупциявий хавф-хатарларни баҳолаш қуйидагиларни ишлаб чиқилишини назарда тутади:

Коррупциявий хавф-хатарлар харитаси;

Қўмита тизимида, коррупцияга қарши курашиш чоралар (тадбирлар)ни, масъул шахсларни, амалга ошириш механизми ва муддатларини ўз ичига белгилаб олган Коррупцияга қарши курашиш бўйича дастур.

4. Қўмита тизимидаги коррупциявий хавф-хатарларни баҳолаш ҳар йили қуйидаги ҳолатлар юзага келганда амалга оширилади:

коррупциявий хавф-хатарларни бирламчи баҳолаш зарурияти;

Ўзбекистон Республикаси қонунчилик талабларининг ўзгариши;

функция ёки тартиб-таомилнинг амалга оширилишига сезиларли равишда таъсир кўрсатувчи Қўмита тизимининг ички ҳужжатлари ўзгариши;

Оила ва хотин-қизлар давлат қўмитаси (кейинги ўринларда – Қўмита), унинг таркибий ва худудий бўлинмалари ҳамда маҳалладаги хотин-қизлар фаоли тузилмасининг, функцияларини амалга оширишида ўзига хос жиҳатларининг ўзгариши, янги функцияларнинг юкланиши;

Қўмита, унинг таркибий ва худудий бўлинмалари ҳамда маҳалладаги хотин-қизлар фаоли функцияларининг коррупциявий хавф-хатар даражасига таъсир кўрсатиши мумкин бўлган бошқа шарт-шароитларнинг келиб чиқиши.

5. Ушбу Услубиётда қуйидаги асосий тушунчалардан фойдаланилади:

қолдиқ хавф-хатар – коррупциявий хавф-хатарни минималлаштиришга қаратилган чоралар қабул қилингандан сўнг қолувчи хавф-хатар (яъни, амалдаги коррупцияга қарши курашиш сиёсатни ва тартиб-таомилларни, хавф-хатарларни минималлаштириш бўйича чора-тадбирларни ва жорий этилган назоратларни ҳисобга олган ҳолда);

коррупциявий хавф-хатар – ходимлар ёки учинчи шахслар томонидан Қўмита, унинг таркибий ва ҳудудий бўлинмалари ҳамда маҳалладаги хотин-қизлар фаоллари номидан ва (ёки) уларнинг манфаатларини кўзлаб коррупциявий хатти-ҳаракатларни содир этиш хавфи;

коррупциявий хавф-хатарларни баҳолаш – қўмита тизими томонидан амалга ошириладиган функцияларни таҳлил қилиш, уларнинг коррупциявий хавф-хатарга мойиллик даражасини аниқлаш, шунингдек функциялар доирасида амалга ошириладиган тегишли тартиб-таомиллар учун ўзига хос ва қолдиқ коррупциявий хавф-хатарларни баҳолаш фаолияти;

коррупциявий хавф-хатарларнинг бирлашган харитаси – қўмита тизимидаги коррупциявий хавф-хатарларни баҳолаш натижалари бўйича тузиладиган ва Қўмита, унинг таркибий ва ҳудудий бўлинмалари маҳаллалардаги хотин-қизлар фаоллари функциялари ва тартиб-таомилларининг умумий рўйхати, тегишли функцияларни амалга ошириш билан боғлиқ эҳтимолий коррупциявий хавф-хатар (схемалар) таснифи, ўзига хос ва қолдиқ коррупциявий хавф-хатарлар даражаси, уларни минималлаштириш чоралари ва аниқланган коррупциявий хавф-хатарни минималлаштириш чора-тадбирларини амалга ошириш учун масъул бўлган ходимлар лавозимларини ўз ичига олувчи бирлашган ҳужжат;

коррупциявий ҳаракатлар – ходим томонидан бевосита ёки билвосита шахсан ёки учинчи шахслар орқали пора берувчи манфаатлари йўлида ҳаракат ёки ҳаракатсизлик учун моддий манфаатдор бўлиши, шу жумладан пул, қимматбаҳо қоғоз, бошқа кўринишдаги мулк ва мулкый ҳуқуқлар, мулкый ҳарактердаги хизматлар олиш, талаб қилиш, ундириш, таклиф қилиш ёки бериш, пора бериш ёки олиш ёхуд бунда воситачилик қилишда, расмиятчиликларни соддалаштириш учун тўловлар ундириш (пора олиш) ва бошқа ноқонуний мақсадларда ўз хизмат вазифаларидан ноқонуний фойдаланиш;

коррупцияга оид ҳуқуқбузарлик – коррупция аломатларига эга бўлган, содир этилганлиги учун қонунчиликда жавобгарлик назарда тутилган қилмиш;

тартиб-таомил – қўмита тизими функцияларини амалга ошириш доирасидаги ходимлар, бўлинмалар томонидан бажариладиган ёки битта натижага қаратилган, ёхуд маълум бир функциянинг ажралмас элементи ҳисобланган, аломатлар бўйича бир гуруҳга бирлаштириш мумкин бўлган ҳаракатлар йиғиндиси;

функция – бир нечта тартиб-таомилни ўз ичига олиши мумкин бўлган қўмита тизимининг ички жараён (фаолият йўналишлари)ларидан бири;

эксперт фикри – аниқ факт ёки ҳодиса бўйича ходим ёки бўлинманинг субъектив қараш ёки фикрига асосланган қарори;

ўзига хос хавф-хатар – қўмита тизими фаолияти ва амалга оширилаётган функциялари спецификасидан келиб чиқадиган хавф-хатари, шу билан бирга уни камайтиришга қаратилган чора-тадбирларни амалга оширилиши ҳисобга

олинмаган ҳолда (*яъни, амалдаги коррупцияга қарши курашиш сиёсати ва тартиб-таомиллари, хавф-хаталарни минималлаштиришга қаратилган чоратадбирлар ва жорий этилган назоратлар ҳисобга олинмаган ҳолда*);

худудий ёки таркибий бўлинманинг коррупциявий хавф-хатарлари харитаси – қўмитанинг таркибий ва худудий бўлинмалари ёки маҳалладаги хотин-қизлар фаолларининг коррупциявий хавф-хатарларини баҳолаш натижалари бўйича тузиладиган ҳамда қўмита тизими функциялари ва тартиб-таомилларининг умумий рўйхати, тегишли функцияларни амалга ошириш билан боғлиқ эҳтимолий коррупциявий хавф-хатар (схемалар) таснифи, ўзига хос ва қолдиқ коррупциявий хавф-хатарлар даражаси, уларни минималлаштириш чоралари ва аниқланган коррупциявий хатарни минималлаштириш чоратадбирларини амалга ошириш учун масъул бўлган ходимлар лавозимларини ўз ичига олувчи ҳужжат.

6. Қўмита тизимидаги коррупциявий хавф-хатарларни баҳолаш Комплаенс назорат бош мутахассиси (кейинги ўринларда – Бош мутахассис) томонидан Оила ва хотин-қизлар давлат қўмитаси раиси (кейинги ўринларда – Раис) топшириғи асосида амалга оширилади. Раис топшириғида баҳолашни ўтказиш аниқ муддатлари кўрсатилади.

7. Коррупциявий хавф-хатарларни баҳолашда Бош мутахассис қуйидаги вазифаларни амалга оширади:

коррупцияга қарши курашиш бўйича масъулларни жалб қилган ҳолда қўмита тизимида хавф-хатарларни баҳолаш жараёнини ташкиллаштиради;

қўмита тизимида коррупциявий хавф-хатарларни баҳолаш жараёни устидан умумий назоратни амалга оширади;

қўмита, унинг таркибий ва худудий бўлинмалари ҳамда маҳалладаги хотин-қизлар фаолларига мазкур Услубиётда кўзда тутилган тартибга риоя қилиш бўйича маслаҳатлар беради;

қўмита бўлинмаларининг коррупциявий хавф-хатарлар харитасини тузади ва раис ўринбосари билан келишади;

қўмита, унинг таркибий ва худудий бўлинмалари ҳамда маҳалладаги хотин-қизлар фаолларининг коррупциявий хавф-хатарлари харитасини Қўмита тизимининг коррупциявий хавф-хатарларининг бирлашган харитасига умумлаштиради;

раисга ва тегишли таркибий ҳамда худудий бўлинмалар раҳбарларига хавф-хатарларни баҳолаш натижалари ва коррупциявий хавф-хатарларнинг бирлашган харитасини тақдим этади;

тасдиқланган хавф-хатарлар харитаси асосида қўмитанинг таркибий ва худудий бўлинмалар томонидан ишлаб чиқилган коррупцияга қарши курашиш бўйича дастурлар лойиҳаларини кўриб чиқади ва уларни қабул қилиш мақсадга мувофиқлиги тўғрисида хулоса беради;

қўмита бўлинмаларининг коррупцияга қарши курашиш бўйича дастурини ишлаб чиқади ва қаис ўринбосари билан келишади;

марказий аппарат, таркибий ва худудий бўлинмаларнинг коррупцияга қарши курашиш бўйича дастури асосида қўмита тизимининг коррупцияга қарши курашиш дастурини ишлаб чиқади;

қўмита тизимида коррупциявий хавф-хатарларни минималлаштириш бўйича чора-тадбирларини мувофиқлаштиради ва уларни назорат қилади;

ушбу Услубиётда кўзда тутилган бошқа вазифаларни амалга оширади. Бош мутахассис зарур ҳолларда марказий аппарат таркибий бўлинма раҳбарлари ва коррупцияга қарши курашиш бўйича масъуллардан қўшимча ахборот ва ҳужжатларни талаб қилиб олади.

8. Коррупцияга қарши курашиш бўйича масъуллар қуйидаги вазифаларни амалга оширади:

тегишли таркибий ва ҳудудий бўлинмаларда ҳамда маҳалладаги хотин-қизлар фаолларида коррупциявий хавф-хатарлар баҳоланишини ташкил қилади ва ўтказди;

тегишли таркибий ва ҳудудий бўлинмаларда ҳамда маҳалладаги хотин-қизлар фаолларида коррупциявий хавф-хатарларни баҳолаш жараёни устидан назоратни амалга оширади;

тегишли таркибий ва ҳудудий бўлинмаларнинг ҳамда маҳалладаги хотин-қизлар фаолларининг коррупциявий хавф-хатарлар харитасини тузади ва ушбу Услубиётда кўзда тутилган тартибда келишилишини таъминлайди;

ушбу Услубиётда кўзда тутилган бошқа вазифаларни амалга оширади.

Коррупцияга қарши курашиш бўйича масъуллар зарур ҳолларда тегишли таркибий ва ҳудудий бўлинмалари ҳамда маҳалладаги хотин-қизлар фаоллари ходимларидан қўшимча ахборот ва ҳужжатларни талаб қилиб олади.

2 боб. Коррупциявий хавф-хатарларни дастлабки баҳолаш

9. Қўмита тизимида коррупциявий хавф-хатарларни дастлабки баҳолаш жараёни тегишли буйруқлар ва уларда кўрсатилган муддатлар асосида амалга оширилади.

Коррупциявий хавф-хатарларни дастлабки баҳоланишнинг умумий муддати 3 ойдан ошмаслиги лозим.

10. Коррупциявий хавф-хатарларни дастлабки баҳолаш функцияларнинг коррупциявий хавф-хатарга мойиллик даражасини дастлабки баҳолаш ва тегишли функциялар доирасида Қўмита тизими ходимлари томонидан амалга ошириладиган айрим тартиб-таомилларнинг коррупциявий хавф-хатар даражасини баҳоланиш ўз ичига олади.

11. Коррупциявий хавф-хатарларни дастлабки баҳолаш, пастдан тегишли Қўмита, унинг таркибий ва ҳудудий бўлинмалар ҳамда маҳалладаги хотин-қизлар фаоллари) тепага (марказий аппарат даражасигача), мазкур бобнинг 12-21 бандларида кўрсатилган тартиб ва кетма-кетликда амалга оширилади.

12. Бош мутахассис ушбу Услубиётга 1-иловада келтирилган Коррупциявий хавф-хатарлар харитасини ишлаб чиқиш бўйича Қўмита, унинг таркибий ва ҳудудий бўлинмаларига ҳамда маҳалладаги хотин-қизлар фаолларига кўрсатма юборилишини таъминлайди.

Кўрсатмада тасдиқланган Коррупциявий хавф-хатарлар харитасини Бош мутахассисга тақдим этиш муддатлари кўрсатилиб, бу муддат йигирма беш иш кунидан кам бўлмаслиги керак.

13. Қўмитанинг таркибий бўлинмаларининг Коррупциявий хавф-хатарлар харитаси тегишли бўлинмалар томонидан ишлаб чиқилиб, Бош мутахассисга Қўмита учун ягона Коррупциявий хавф-хатарлар харитасини тузиш мақсадида киритилади.

Қўмитанинг таркибий бўлинмаларининг Коррупциявий хавф-хатарлар харитаси Бош мутахассис томонидан Раис билан келишилади.

14. Қўмитанинг таркибий ва ҳудудий бўлинмалари ҳамда маҳалладаги хотин-қизлар фаолларининг Коррупциявий хавф-хатарлар харитаси Коррупцияга қарши курашиш бўйича масъул томонидан ишлаб чиқилади ва тегишли таркибий ва ҳудудий бўлинма раҳбарлари билан келишилади.

15. Қўмита, унинг таркибий ва ҳудудий бўлинмалари ҳамда маҳалладаги хотин-қизлар фаоллари томонидан ишлаб чиқилган Коррупциявий хавф-хатарлар харитасига оид саволлар юзага келган тақдирда, Бош мутахассис тегишли ҳудудий ва таркибий бўлинмага ҳамда маҳалладаги хотин-қизлар фаолларига изоҳ бериш ёки харитага тузатиш киритиш учун сўров юборади. Бунда, сўровга жавоб олинган кундан бошлаб беш иш кунидан ошмаган муддатда юборилиши лозим.

16. Бош мутахассис ўз экспертлик фикрига таянган ҳолда Коррупциявий хавф-хатарлар харитасига ўзгартиришлар киритишлари мумкин.

17. Қўмита, унинг таркибий ва ҳудудий бўлинмаларнинг ҳамда маҳалладаги хотин-қизлар фаолларининг коррупциявий хавф-хатарлар хариталари асосида Бош мутахассис Қўмита тизимининг коррупциявий хавф-хатарларнинг бирлашган харитасини ишлаб чиқади.

18. Коррупциявий хавф-хатарларнинг бирлашган харитасини тузиш муддати, Қўмита, унинг таркибий ва ҳудудий бўлинманинг ҳамда маҳалладаги хотин-қизлар фаолининг коррупциявий хавф-хатарлари харитаси тасдиқланган санадан бошлаб, ўн иш кунидан ошмаслиги керак.

19. Коррупциявий хавф-хатарларнинг бирлашган харитаси Бошқарма тақдимномасига асосан Қўмита томонидан тасдиқланади.

20. Қолдик коррупциявий хавф-хатарнинг юқори даражаси билан ифодаланадиган тартиб-таомиллар учун Бош мутахассис ушбу Услубиётининг 2-иловасига мувофиқ коррупциявий хавф-хатарларга энг кўп мойил бўлган лавозимлар рўйхатини ишлаб чиқади.

21. Қўмита тизимининг коррупциявий хавф-хатарларга энг кўп мойил бўлган лавозимлар рўйхати Бош мутахассис тақдимномасига асосан Раис ва тегишли таркибий ҳамда ҳудудий бўлинмалар раҳбарлари томонидан тасдиқланади.

22. Коррупцияга қарши курашиш бўйича масъул томонидан тасдиқланган Коррупциявий хавф-хатарларнинг харитасида белгиланган чора-тадбирларга асосан таркибий ва ҳудудий бўлинмаларнинг Коррупцияга қарши курашиш бўйича дастури ушбу Услубиётнинг 3-иловасига мувофиқ Коррупциявий хавф-хатарларнинг харитаси тасдиқланган санадан ўн иш кунидан ишлаб чиқилиб тасдиқланади.

Таркибий ва ҳудудий бўлинмаларнинг Коррупцияга қарши курашиш бўйича дастури Бошқарма билан келишилгандан сўнг тегишли таркибий ва ҳудудий бўлинма раҳбарлари томонидан тасдиқланади.

23. Қўмита тизимининг Коррупцияга қарши курашиш дастури Қўмита бўлинмаларининг коррупциявий хавф-хатарларни минималлаштириш бўйича чора-тадбирларини инобатга олган ҳолда Бош мутахассис томонидан ишлаб чиқилади ҳамда Раис томонидан тадиқланади.

3-боб. Коррупциявий хавф-хатарларнинг кейинги (ҳар йиллик) баҳоланиши

24. Қўмита тизимида коррупциявий хавф-хатарларнинг кейинги баҳоланиши доимий равишда, бир йилда камида бир марта, қоида тариқасида йил бошида Раиснинг тегишли буйруғи асосида ўтказилади.

Кейинги (ҳар йиллик) коррупциявий хавф-хатарларни баҳолаш муддати 2 ойдан ошмаслиги лозим.

25. Йиллик коррупциявий хавф-хатарларни баҳолаш ушбу услубиётнинг 2-бобида кўрсатилган коррупциявий хавф-хатарларни дастлабки баҳолаш тартибида амалга оширилади.

26. Ҳар йиллик коррупциявий хавф-хатарларни баҳолаш бошланишидан олдин Бош мутахассис Қўмита, унинг таркибий ва ҳудудий бўлинмалари раҳбарларига олдинги баҳолаш даврига нисбатан қонунчиликда ёки ички идоравий ҳужжатларга киритилган ўзгаришларни аниқлаш мақсадида ушбу Услубиётга 4-иловага мос шаклда Сўровнома юборади.

27. Бош мутахассис Қўмита, унинг таркибий ва ҳудудий бўлинмалар раҳбарлари томонидан тўлдирилган Сўровномаларни йиғади, таҳлил қилади.

4-боб. Ташкилотда амалга ошириладиган функциялар ва тартиб-таомилларнинг коррупциявий хавф-хатар даражасини баҳолаш тартиби

28. Коррупциявий хавф-хатарларни баҳолаш ташқи ва ички ахборот манбаларидаги маълумотлар таҳлили асосида амалга оширилади, жумладан: қўмита тизимининг функцияларини тартибга солувчи норматив-ҳуқуқий ҳужжатлар ва қўмита тизимининг ички ҳужжатлари (мисол учун, таркибий бўлинмалар, ходимларнинг лавозим йўриқномалари тўғрисидаги низомлар ва х.к.);

ички текширувлар материаллари, шу билан бирга хизмат текширувлари материаллари;

ички аудит ва коррупцияга қарши курашиш бўйича мониторинг натижалари;

одоб-ахлоқ комиссияси йиғилишлари натижалари;

манфаатдор томонлар, давлат хизмати олувчилар, экспертлар ва бошқа манфаатдор шахслар орасида ўтказилган сўров, жумладан ижтимоий тадқиқотлар натижалари бўйича қўмита тизимининг ходимлари томонидан содир этилган коррупциявий ҳаракатларга оид муурожаатлар;

Қўмита тизими фаолиятидаги ҳуқуқбузарликларга оид статистик маълумотлар;

коррупциявий ҳаракатлар тўғрисида хабар беришга мўлжалланган алоқа каналларига келиб тушган жисмоний ва юридик шахсларнинг мурожатлари;

Қўмита тизими ходимлари томонидан содир этилган коррупциявий ҳаракатлар ёки одоб-ахлоқ қоидаларига риоя қилмаслик тўғрисида ОАВдаги маълумотлар;

ижтимоий тармоқларда қолдирилган изоҳлар;

ҳуқуқни муҳофаза қилувчи органлари томонидан тақдим этилган материаллар, жумладан жиноят ишларига доир ахборотлар ва бошқалар.

29. Коррупциявий хавф-хатарларни баҳолаш жараёнида Қўмита тизимининг ҳар бир функцияси ва тартиб-таомили бўйича коррупциявий ҳаракатларни содир этилиши имкониятлар борлиги бўйича таҳлил қилиш лозим.

30. Ҳар бир функция қуйидаги шкала бўйича баҳоланади:

Коррупциявий хавф-хатарларга энг кўп мойил бўлган функция;

Коррупциявий хавф-хатарларга энг кам мойил бўлган функция.

31. Ўрганилаётган функция доирасида амалга оширилаётган тартиб-таомилларнинг ўзига хос хавф-хатарини баҳолаш қуйидаги мезонларга кўра амалга оширилади:

ўзига хос юқори хавф-хатар коррупциявий хавф-хатарларга энг кўп мойил бўлган функциялар доирасида амалга ошириладиган тартиб-таомилларга берилади;

ўзига хос ўрта хавф-хатар коррупциявий хавф-хатарларга энг кам мойил бўлган функциялар доирасида амалга ошириладиган тартиб-таомилларга берилади;

ўзига хос паст хавф-хатарлар кўзда тутилмаган ва Қўмита Бош мутахассисининг асосли хулосаси асосида истисно тариқасида қўлланилиши мумкин.

32. Қолдиқ коррупциявий хавф-хатар даражасини баҳолаш хавф-хатарли ҳодисани амалга ошишининг эҳтимоли (мазкур Услубиётнинг 5-илоvasи 5.1 жадвалдаги мезонларга қаранг) ва коррупциявий хавф-хатарнинг оқибат даражаси (мазкур Услубиётининг 5-илоvasи 5.2 жадвалидаги мезонларга қаранг)ни ҳисобга олган ҳолда хавф-хатарлар аҳамиятлилик шаклидан фойдаланиб амалга оширилади (мазкур Услубиёти 5-илоvasидаги 5.1 расм).

5 боб. Коррупциявий хавф-хатарнинг қолдиқ даражасини минималлаштириш чоралари

33. Коррупциявий хавф-хатарларни минималлаштириш чора-тадбирларини белгилашда:

ҳар бир чора-тадбир Қўмита тизими ходимлари унинг мақсадлари, пировард натижаси ва маълум бир коррупциявий хавф-хатарни минималлаштириш билан алоқасини тушуниши учун аниқ ва равшан ифода этилиши;

хар бир чора-тадбир учун уни амалга ошириш муддати ёки даврийлиги белгиланиши, уни амалга ошириш учун масъул шахслар, амалга оширилишини мониторинг қилиш ва самарадорлигини баҳолаш механизмлари аниқлаб олиниши зарур.

34. Қўмита тизимининг коррупциявий хавф-хатарлар харитасига киритилган, аниқланган коррупциявий хавф-хатарларни минималлаштириш чора-тадбирлари Қўмита тизимининг Коррупцияга қарши курашиш дастурларига ҳам киритилади (мазкур Услубиётининг 6-илоvasи).

35. Ташкилотдаги коррупциявий хавф-хатарларни минималлаштириш чора-тадбирларини амалга ошириш устидан назорат Бош мутахассис томонидан амалга оширилади.

6 боб. Яқуний қоидалар

36. Зарурат бўлганда, Қўмита тизимининг коррупциявий хавф-хатарлар харитаси ва коррупцияга қарши курашиш дастурига ўзгартириш ва қўшимчалар киритиш билан боғлиқ масалалар бўйича Бош мутахассис томонидан Раисга таклифлар киритилади.

Ўзбекистон Республикаси Оила ва хотин-қизлар давлат қўмитаси, унинг ҳудудий бўлинмалари ҳамда маҳалладаги хотин-қизлар фаолларида коррупциявий хавф-хатарларни баҳолаш услубиётига 1-илова

**(Оила ва хотин-қизлар давлат қўмитаси)
Коррупциявий хавф-хатарлар харитаси**

№	Функция номи	Функциянинг коррупциявий хавф-хатарга мойиллик даражаси(энг кўп мойил / энг кам мойил)	Функция доирасида бажарилаётган тартиб-таомил номи	Тартиб-таомилни бажариш учун масъул бўлган шахслар (лавозими, бўлинмаси)	Эҳтимолий коррупциявий схема (хавф-хатар)нинг қисқача таърифи	Ўзига хос коррупциявий хавф-хатар (юқори/ўрта/паст)	Мавжуд назорат тартиб-таомиллари / коррупциявий хавф-хатарларни минималлаштириш чоралари	Назорат тартиб-таомиллари/коррупциявий хавф-хатарларни минималлаштириш чора-тадбирларини тартибга солувчи меъёрий-ҳуқуқий ва ички ҳужжатлар	Назорат тартиб-таомиллари/коррупциявий хавф-хатарларни минималлаштириш чора-тадбирларини амалга ошириш учун масъул шахслар (лавозими, бўлинмаси)	Қолдиқ хавф-хатар даражаси (юқори / ўрта / паст)	Коррупциявий хавф-хатарларни минималлаштириш бўйича чора-тадбирларни амалга ошириш муддатлари	Изоҳлар (зарур ҳолларда)
1												
2												
3												

1. Бўлинма
 - 1.1. Орган ёки муассаса номи
 - 1.2. Департамент/Бошқарма
 - 1.3. Бўлим
2. Тўлдириш учун масъул
 - 2.1. ФИШ
 - 2.2. Лавозими
 - 2.3. Боғланиш учун (электрон почта, телефон)

Ўзбекистон Республикаси Оила ва хотин-қизлар
давлат қўмитаси, унинг ҳудудий бўлинмалари
ҳамда маҳалладаги хотин-қизлар фаолларида
коррупциявий хавф-хатарларни баҳолаш
услубиётига 2-илова

**Коррупция хавф-хатарига энг кўп мойил бўлган лавозимлар
РЎЙХАТИ**

№	Ташкилот номи	Ташкилот тузилмаси номи	Лавозими (функцияларини бажариш учун масъул бўлган шахсларни кўрсатган ҳолда)
1.1			
...			
2.1			
...			

Ўзбекистон Республикаси Оила ва хотин-қизлар
давлат қўмитаси, унинг ҳудудий бўлинмалари
ҳамда маҳалладаги хотин-қизлар фаолларида
коррупциявий хавф-хатарларни баҳолаш
услубиётига 3-илова

**Оила ва хотин-қизлар давлат қўмитаси, унинг ҳудудий
бўлинмаларида ва маҳалладаги хотин-қизлар фаолларида
коррупцияга қарши курашиш дастури**

№	Ташкилот номи	Коррупциявий хавф- хатарни минималлаштириш бўйича чоралар/тадбирлар/та ртиб- таомиллар	Амалга ошириш механизми	Бажариш муддатлари	Масъул ижрочилар (ФИШ, лавозими)
1.1					
1.2					
...					
2.1					
2.2					
...					

**Коррупциявий хавф-хатарларни кейинги босқичда баҳолаш учун ташкилот тизими
бўлинмаларини таснифлаш бўйича сўровнома
ШАКЛИ**

Қуйидаги саволларга жавоб берсангиз (кераклигисини тагига чизинг):

1. Коррупциявий хавф-хатар сўнги марта баҳолангандан сўнг қонунчиликда қандайдир ўзгаришлар содир бўлганми? Агар жавоб ижобий бўлса, қуйида келтирилган жадвалга тегишли маълумотларни киритинг.

А) Ҳа Б) Йўқ

2. Таркибий бўлинмангиз томонидан бажариладиган тузилма ёки функция фаолиятини тартибга солиш ички ҳужжатларда коррупциявий хавф-хатар сўнги марта баҳолангандан сўнг қандайдир ўзгаришлар содир бўлганми? Агар жавоб ижобий бўлса, қуйида келтирилган шаклга тегишли маълумотларни киритинг.

А) Ҳа Б) Йўқ

3. Коррупциявий хавф-хатар сўнги марта баҳолангандан сўнг давлат бошқарув органи фаолияти/тузилмасида таркибий бўлинмангиз томонидан бажарилаётган функцияга таъсир қилган/таъсир қилиши мумкин бўлган қандайдир ўзгаришлар юз бердими? Агар жавобингиз ижобий бўлса, қуйида келтирилган шаклга тегишли маълумотларни киритинг.

А) Ҳа Б) Йўқ

4. Коррупциявий хавф-хатарларни аввалги баҳолашда кўзда тутилган коррупциявий хавф-хатарларни минималлаштириш чора-тадбирлари амалга оширилдими? Нима ва қачон амалга оширилганини таърифлаб беринг. Агар амалга оширилмаган ёки қисман амалга оширилган бўлса, сабабини ёзинг.

А) Ҳа Б) Йўқ В) Қисман амалга оширилган

5. Давлат органи/идораси тизими бўлинмаларида функцияларни бажариш ва тартиб-таомилларни амалга оширишга таъсир кўрсатиши мумкин бўлган шарт-шароитлар мавжудми? Агар жавобингиз ижобий бўлса, қуйида келтирилган жадвалга тегишли маълумотларни киритинг.

А) Ҳа Б) Йўқ

т/р	Ташкилот номи	Ташкилот тузилмаси номи	Функциялар ўзгаргани сабалари	Ўзгарган функция таърифи	Функция доирасида бажарилаётган	Тартиб-таомилларни бажариш учун масъул шахслар (ФИШ, лавозими)
1.1.1						
1.1.2						
...						
...						

Давлат органи/идораси /давлат органи/идораси тизими муассасаси _____

Бўлинма _____

Тўлдираётган шахснинг лавозими _____

Тўлдираётган шахснинг ФИШ _____

Имзо _____

Тўлдириш санаси _____

5.1-жадвал – Коррупциявий хавф-хатар эҳтимоли даражасини аниқлаш мезонлари

Эҳтимоли	Таърифи
Юқори	<ul style="list-style-type: none"> — Ўзига хос хавф-хатар даражаси юқори — Назорат тадбирларининг мавжуд эмаслиги / сезиларли даражада кам-кўстини тўлдириш керак бўлган назорат тадбирларининг мавжудлиги — Тартиб-таомилни ички ҳужжатлар ёрдамида аниқ тартибга солиниши мавжуд эмаслиги — Тартиб-таомилни автоматлаштириш мавжуд эмаслиги/даражаси пастлиги
Ўртача	<ul style="list-style-type: none"> — Ўзига хос хавф-хатар даражаси ўрта — Тартиб-таомил тартибга солинган, кам-кўстини оз миқдорда тўлдириш керак бўлган назорат тадбирлари жорий этилган — Тартиб-таомил тартибга солинган, қисман автоматлаштирилган, бироқ етарли даражада шаффоф эмас — Ўзига хос хавф-хатар даражаси юқори хавф-хатарни камайтириш учун етарли бўлган назорат тадбирлари, жумладан Ташкилотнинг ички ҳужжатлари билан тартибга солинган, камида учта шахс томонидан кросс-функционал назорат (давлат органи ва ташкилоти ҳудудий ва таркибий давлат бўлинмаларининг назорат қилиниши)ни кўзда тутувчи назорат тадбирларининг мавжудлиги — Тартиб-таомил қисман ёки тўлиқ автоматлаштирилган
Паст эҳтимоли	<ul style="list-style-type: none"> — Ўзига хос хавф-хатар даражаси паст — Ўзига хос хавф-хатар даражаси ўрта ҳамда хавф-хатарни амайтириш учун етарли бўлган назорат тадбирлари, жумладан ички ҳужжатлар билан тартибга солинган, камида учта шахс томонидан кросс-функционал назоратни кўзда тутувчи назорат тадбирларининг мавжудлиги — Тартиб-таомил тўлиқ автоматлаштирилган

5.2-жадвал – Коррупциявий хавф-хатарнинг (таъсирчанлик) эҳтимоли даражасини аниқлаш мезонлари

Оқибат даражаси	Обрўсига путур етказиш	Жавобгарлик
Юқори	— Хавф-хатар ташкилотнинг мамлакат ва халқаро миқёсдаги обрўсига сезиларли равишда путур етказди	— Ташкилот ходимларига нисбатан жинойий иш кўзғатиш учун тегишли органларга хужжат юбориш ташаббуси билан чиқиш
Ўрта	— ОАВда салбий ҳодисанинг ёритилиши; — Аҳоли ва ҳамкорлардан салбий фикрлар ва шикоятлар олиш; — хавф-хатар ташкилот обрўсига маҳаллий даражада путур етказди	— Ташкилот ходимларига нисбатан маъмурий суриштирув ўтказиш учун хужжатларни Коррупцияга қарши курашиш агентлигига юбориш ташаббуси билан чиқиш
Паст	— Аҳоли, маҳаллий ОАВлардан вазиятга изоҳ беришни сўраб алоҳида сўровлар тушиши мумкин	— Давлат органи/идораси тизими ходимларига нисбатан хизмат текшируви ўтказиш ташаббуси билан чиқиш мумкин